



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Militia Sacra || Dvcvm Et Principvm || Brabantiaë,||**

**Molanus, Johannes**

**Antverpiae, [1592]**

De sacris bellis Pipini Regis contra Sarracenos, Longobardos, Aquitanos,  
Saxones, & Bauaros. Cap. XII.

**urn:nbn:de:hbz:466:1-38114**



*De sacris bellis PIPINI Regis contra Sarra-  
cenos, Longobardos, Aquitanos, Saxones,  
& Banaros.*

## C A P. X I I.

VII. Bra-  
bantie Dux  
Pipinus Rex  
Francorum  
dictus Bre-  
uier.

C A R O L O M A N N O ad portum mona-  
sticæ vitæ secedente, sequitur Pipinus,  
qui ex maiore domus factus est Rex Franco-  
rum. Anno enim 1000. l. præcellus Pipinus  
electione totius gentis, & ex communi suf-  
fragio Principum, sublimatus est in sedem  
regni, & à S. Bonifacio Archiepiscopo inun-  
ctus, deposito Childeberto, qui tantæ pote-  
stati erat inutilis, prius tamen missa legatio-  
ne ad sedem Apostolicam, & inde auctorida-  
te percepta, quia consensus & auctoritas Ro-  
mani Pontificis huic negotio necessaria vi-  
debatur. Postea à Stephano Papa, qui Za-  
chariæ successit, quòd Remp. Romanam ab  
Aistulphi Regis Longobardorum incurfibus  
defendisset, Apostolica benedictione cum  
uxore & liberis in regnum perpetuo est con-  
firmatus. Leguntur hæc passim apud Anno-  
nium, Reginonem, Sigebertum, aliosque ve-  
teres scriptores.

1. Archidu-  
catus Au-  
strie ini-  
cium.

Hic itaque Princeps limitem Francici im-  
perij ad Noricum vsque propagauit, nouam-  
que istic Austriam auspicatus est, cum Pon-  
tifici Romano fidam operam aduersus Sarra-  
cenos, orâ Italiæ deuastantes, nauasset. Testis  
est Lazius l. III. de gentium migrationibus.

Et



Et vt reliqua addamus ex annalibus rerum  
 Pipini, anno 1000. LIII. Stephanus Papa ve-  
 nit ad Pipinum Regem in villa quæ Carisia-  
 cus dicitur, suggerens ei, vt se & Romanam  
 Ecclesiam ab infestationibus Longobardo-  
 rum defenderet. Pipinus igitur Rex, propter  
 erepta Romanæ Ecclesiæ per Regem Lon-  
 gobardorum dominia, Italiam manu valida  
 ingreditur. Resistentibus Longobardis, &  
 claustra Italiæ tenentibus, ad ipsas montium  
 angustias, quas clusas vocant, acerrimè pu-  
 gnatum est: cedentibusque Longobardis,  
 omnes copiæ Francorum viam quamuis dif-  
 ficilem non magno labore superarunt. Hai-  
 stolphus verò Longobardorum Rex manus  
 conferere non ausus, in Papiæ ciuitate à Rege  
 Pipino obsessus est, qui antè obsidionem non  
 soluit, quàm firmitatis causa, pro restituendis  
 quæ Romanæ Ecclesiæ ablata fuerant,  
 quadraginta obsides recepisset. Datis verò  
 obsidibus, promissisque iureiurando firma-  
 tis, Stephanum Papam Romam remisit. Ve-  
 rum Haistolpho ea quæ Romanæ Ecclesiæ  
 erant non reddente, iterum Pipinus cum  
 exercitu Italiam intrauit, & Haistolphum  
 Papiæ obsedit, eaque obsidione ad satisfac-  
 iendum promissis compulit, redditamque  
 Rauennam, omnemque exarchatum eius,  
 atque Pentapolim, ad S. Petrum tradidit.  
 Porrò Haistolphus dolosè meditans quæ  
 impleta fuerant commutare, in venatione



de equo casu prolapsus, intra paucos dies viuendi finem fecit.

*III. contra  
Aquitanos  
pro Ecclesijs.*

Cum vero Waifarius Dux Aquitanie res Ecclesiarum in sua potestate retineret; Rex Pipinus eas bello repetiturus, contractis vndique copiis, Aquitaniam ingreditur. Waifarius spondet se Ecclesijs iura sua redditurum, obsides qui imperarentur daturum. Quibus acceptis, Rex a bello abstinuit. Cumque Waifarius, quanquam obsides dedisset, sacramentaque iurasset, bellum tamen resumeret; Pipinus Rex omnibus copiis Ducem persequi statuit: itaque non destitit, quin eum in suam potestatem redigeret, & reluctan-tem vita spoliaret.

*IIII. contra  
Saxones.*

Idem Pipinus Rex, commisso semel atque iterum cum Saxonibus prælio, plurimam eorum multitudinem cecidit, coëgitque. ut omnem se eius voluntatem facturos promitterent, equos etiam trecentos pro munere, honoris causa, quotannis ad generalem conuentum sese daturus sponderent.

Contra Baioarios duo feliciter bella gessit, primum quidem contra Odilonem Ducem, alterum verò contra Grifonem fratrem eius, qui Ducatum in suam redegerat potestatem, Tertium quoque contra Tassilonis Ducis defectionem suscepturus, bello Aquitanico impeditus, & morte præuentus est.

*De*